



(圖 | 杞欣庭)

耶穌 gâu 迷因

咱嘛知主是會用活跳跳、你咱好理解 ê 語言「迷因」，咧 kap 咱講話。咱著 ài 對同主 ê 電波。

文 | Chiòh Bók-bîn 石牧民 / 知罪難改基督徒，師大台文系兼任助理教授

迷因是啥物

「迷因 bê-im」是啥物？伊會使講是一種笑話，用圖像 kap 文字 chò 齣頭。這項意義 liáh 外，tī Merriam-Webster 辭典內底，迷因 iáu 有一種意義：一个文化內底，通人會理解 ê 意念 kap 作為。這兩種意義，cheng-chha tī 有欲 kún 耍笑抑無。總是底蒂並無各樣。攏是 liáh 準別人會當了解咱家己 ê 意思。要意欲 kún 笑--ê，理解 tō 笑 hai-hai；若無咧激談諧，聽有 tō 應：「知--lah！」

上要緊--ê，咱 tiòh-ài 知，人會聽有，感覺有趣味，因端是講（做）ê 人 kap 聽 ê 人使用全款 ê 語言，釘根 tī 全款 ê 文化。袂輸咱聽放送，chūn la-jí-oh，頻率 tiòh-ài 有 tui-tàng 才有聲，才聽有節目。若無，干焦 si-si-suh-suh ê 雜音爾爾。「電波」ài 全款，人 kap 人中間，才袂 oh 理解。

耶穌用迷因

「野生」ê 耶穌用迷因是「痞」熟手。伊無愛伊所講 ê 道理 oh 理解。路加福音十六章9節，耶穌講：「我 kā 恁講，著用不義 ê 錢財為著家己結交朋友，án-ne 錢財無去 ê 時，in 會接納恁去永遠倚起 ê 所在。」

這 tō 是顯然 ê 「迷因」。耶穌指著彼 ê 克虧主人，liáh 做家己真 gâu，竟然閣受著主人 o-ló ê 管家講，「無恁 tō 試看覓--ah。看奸巧 nng 縫敢會得著永遠 ê 性命。試看覓--ah，m-tō 足 gâu？」對 án-ne，咱 tō 毋通將這段教示 liáh 做耶穌欲 ài 人做上帝 ê 「好管家」。毋是--ah！上帝欲 ài 人做伊浪子回頭 ê 囡兒。

對 án-ne，咱嘛知主是會用活跳跳、你咱好理解 ê 語言「迷因」，咧 kap 咱講話。咱著 ài 對同主 ê 電波。



本文母語聲音QR Code